

QUE OBJECTIVOS TEN LIFE FLUVIAL?

O principal obxectivo de LIFE FLUVIAL é a mellora do estado de conservación de corredores fluviais atlánticos na Rede Natura 2000. Desenvólvese para elo unha estratexia transnacional para a xestión sostible dos seus hábitats en varias bacías da Península Ibérica.

Neste ámbito, factores de ameaza como especies invasoras, intensificación de usos ou problemas fitosanitarios, xeran o deterioro e fragmentación dos seus hábitats.

Estas ameazas inciden sobre a calidade e continuidade dos bosques higrófilos, hábitat principal ao que vai dirixido o proxecto, considerado de carácter prioritario e clave no mantemento da composición, estrutura e funcionalidade dos corredores fluviais.

ACTUACIÓNS DE LIFE FLUVIAL NA RESERVA DE BIOSFERA MCeTM



Os corredores fluviais engloban aqueles terreos das chairas aluviais que definen o espazo necesario para protexer a capacidade hidráulica, a dinámica xeomorfolóxica dos ríos e os seus valores ambientais.

A REDE NATURA 2000

Natura 2000 é unha rede ecolóxica europea de áreas de conservación da biodiversidade.



Consta de Zonas Especiais de Conservación (ZEC) establecidas de acordo coa Directiva Hábitat (92/43/CE) e de Zonas de Especial Protección para as Aves (ZEPA) designadas en virtude da Directiva Aves (2009/147/CE).

A súa finalidade é asegurar a supervivencia a longo prazo das especies e dos tipos de hábitat en Europa, contribuíndo a deter a perda de biodiversidade.

O PAPEL AMBIENTAL DOS RÍOS E DOS CORREDORES

- › Conteñen unha gran biodiversidade.
- › Aportan auga ás zonas húmidas e acuíferos subterráneos.
- › Aportan sedimentos e nutrientes ao litoral.
- › Contribúen ao saneamento e á dilución de vertidos.

Os corredores fluviais cumpren un papel fundamental de conexión entre ecosistemas.

Sen a existencia desta rede moitos procesos naturais e poboacións de seres vivos serían inviables.

Serven tamén para amortecer o efecto das crecidas, como áreas de retención de auga, reducíndose os danos por asolagamentos.

QUE SON OS PROXECTOS LIFE?

O programa LIFE é o instrumento da Unión Europea para o desenvolvemento de accións sobre o medio ambiente e o clima.

O obxectivo xeral de LIFE é contribuír á aplicación, actualización e desenvolvemento de directrices comúns sobre o clima e o medio ambiente, mediante o apoio de proxectos que proporcionen valor engadido á UE.

ONDE SE DESENVOLVE LIFE FLUVIAL?

O proxecto propón unha serie de accións concretas de conservación, encamiñadas á mellora do estado de conservación dos corredores fluviais, que inclúen o control de especies exóticas invasoras, a mellora do estado fitosanitario dos corredores fluviais ou a restauración da cuberta natural. En concreto, actuarase nas seguintes zonas emprazadas nas Comunidades Autónomas de Galicia e Asturias, así como en Portugal:

- » ZEC Parga-Ladra-Támoga (E51120003)
- » ZEC Río Eo (Galicia) -E51120002-
- » ZEPA Ribadeo (E50000085)
- » ZEC/ZEPA Ría del Eo (E51200016)
- » ZEC Betanzos-Mandeo (E51110007)
- » ZEC Río Eo (Asturias) -E51200023-
- » LIC Río Lima (PTCON0020)
- » ZEC Encoro Abegondo-Cecebre (E51110004)

PARA SABER MÁIS...

www.lifefluvial.eu



ASOCIACIÓN DE DESENVOLVEMENTO RURAL MARÍÑAS-BETANZOS

San Marcos, s/n 15318 Abegondo (A Coruña)

Tel.: 981 669 541

info@marinasbetanzos.gal

www.marinasbetanzos.gal




lifefluvial

LIFE 16 NAT/ES/771



Mellora e xestión sostible de
corredores fluviais da
Rexión Atlántica Ibérica

SOCIOS DO PROXECTO



15-16 setembro 2018